

## Transkription von Urkunde HST 1342a

Ort, Datierung: Stralsund, 1342-10-13

Signatur: Stadtarchiv Hansestadt Lübeck, 07.1-3/27 : Suecica 041 [\[online\]](#)

Inhalt: Rat der Stadt Stralsund: Rechtsstreit

---

Wi ratman . vnd de menen borghere der stad thũ deme stralessunde bekennen vnde betughen /  
openbarliken in desser ieghenwardighen scrift dat wi vm al de schelinghe vnde twidracht de / van  
dessem orlighe vpstan is . twischen dem edelen vorsten . hern magnus konig thũ sweden vn=/de thũ  
norweghene vnde sinen helperen af ener side vnd vns . vnd vnsen borgheren . vnd vnser / stad  
vorbenomet . af ander side sin gheblouen vnde ghe gan vpp de edelen heren Greuen / Gunthore van  
swarczebũrch . vnd albrechte heren van mekelenborch . so wat se vns bi eren eden / dar vmme spreken .  
an minne of an rechte . na claghe . vnde na antworde de wi dessen vor=/benomeden heren vp antworten  
scholen in der stad thũ rozstock in sante nicolaus daghe de nu / neghest kũmt . vnde dar selues scolē  
se des warden mit voller macht vnd des se ok dar / selues scolē ene entschedinghe dũn . in deme  
daghe ep̃yphanie d(omin)i de dar neghest kũmt / alse de breue thũ spreken de dar vp ghe maket sint  
dat wil wi stede vnde vast / holden . vnde vntobroken . dat betughe wi vnder vnseme ỹngheseghele . dat  
an dessen / bref ghehenget is . na godes bord Dusend drehundert . in deme twe vndeuertighesten iare /  
des sondaghes na sente d̃yonisiũs daghe